

矢音集卷七

錢唐梁詩正薌林

恭和

御製秋日恭奉

皇太后時巡以繼冊中宮先謁

二陵遂幸嵩洛發軔京師即景成什元韻

展謁成嘉禮時巡協令辰

睿懷勤問俗

慈豫靜怡神念早馳

明殿塵方淨綺闈凝笳催曉霽清蹕肅勾陳秋憶三



花迴霜濡八月新奉

先期展孝省歲匪關貧日暝
橋山巖風清潞水濱卿雲輝

聖蒸西顛仰輪囷

恭和

御製涼元韻

瞥眼流陰候乍涼鳴笳早促著征裳月殘虛
浸機絲戶露重寒零碌碡場斷澗蛩聲添野
趣遙峰馬首接嵐光
時巡省斂宜佳日三輔先霑

惠澤長

恭和

御製恭謁

孝陵元韻

珠丘亘積葱熙號久垂鴻祏仰

丹陵古猶瞻紫氣東松楸遺厚蔭堂構紹丕功
展謁增追慕秋寒大隧風

恭和

御製恭謁

景陵元韻

祚縣週甲過

帝力孰能忘澤厚淪肌永基培卜世昌

文孫虔奉鬯執事肅循墻仰睇

橋山峻升馨九醞觴

恭和

御製桃花寺偶題元韻

獵獵龍旗峻阪過秋巖景愜

睿吟多澗前瀑冷垂霜練畛外雲黃偃玉禾爽籟
泠泠和梵唄好峰面面寫烟螺愛山有味知
深淺未省田盤勝幾何

生秋

麗藻勝因存

秋御製有生
詩二十首

到處都成翰墨園柏

子風清舍妙諦桃花悟徹本無言香妝山薊
臨丹壑泉汲雲腴注石罇便抵武陵最佳趣
何須世外訪仙源

恭和

御製秋日奉

皇太后駐蹕靜寄山莊元韻

怡

顏指石扃

仙蹕一為停山色澹彌古塵襟靜以寧蘿巖牽
紫翠石溜響空靈為斲松根玉芳腴好益齡
地僻遠通莊修巖千丈強神燈光炳煜仙嶠
月清蒼柿實迎霜藜林花浥露涼靜因從可
悟谷口試相佯

恭和

御製雲林石室元韻

石室清幽一徑通霏霏露馥紫蘭叢雲峰當
檻飛空翠林靄交窗淨軟紅畫本臨摹古清
閔天然位置小崆峒巖居合與

神心契苔壁摩抄落照中

恭和

御製石林精舍元韻

小築精廬傍石林幽居何必入山深乍分嵐
影來瓊島忽瀉秋聲度玉琴十笏不須勤拓
地一龕真足悟安心

天襟靜愜空諸籟坐聽簷前解語禽

恭和

御製半天樓元韻

謾云香界接諸天更上層樓勝勢全舒嘯乍

能招羽客

揮絃真可舞胎仙寒生綈几凝青靄秋入紗疏
罨紫烟是色是空懸

睿照游心恰契上乘禪

恭和

御製曉遊天成寺元韻

陰磴嶮呀走護蘭馬名峯峰曉色帶秋寒一溪

漱雪苔紋濕兩壁摩雲鳥道寬谷隱偶然傳
姓氏山靈何必駕虬鸞平臺軒豁松風滿却
引

宸遊一笑歡

恭和

御製東甘澗元韻

辨得曹溪一勺甘此中真好結松菴苔皴石
壁都成篆雲吐香巖盡染藍絕磴行將盤曲
曲飛泉空自說憨憨崖前秋好供

清眺鴨脚輕黃霜意函

恭和

御製憩古中盤精舍元韻

滿塢雲寒宿暑收古中盤磴愜

清遊葦搖白穗飛晴雪蟬咽青林接晚秋

路入陰崖紺翠重野花秋好綴蒙茸松風吹
斷高人蹟欲歛巖扉何處從

丹梯步步躡稜層澗底泉聲靜沸騰一曲一
盤清可鑑出山塵土著何曾

恭和

御製賦得山氣日夕佳元韻

山氣罨將夕清輝望轉佳蒼茫傳畫本丹翠
入詩牌霞彩峰峰別烟光樹樹皆澹添雲跡
迴靜與古心諧佇月來蕭寺彈琴坐暝齋悠

然無盡意俯仰愜秋懷

恭和

御製夜雨元韻

秋老驕陽賈餘怒暝合浮嵐蒸巖樹征人鞅
惱苦不支何處飛泉供挹注入夕涼絲乍解
煩卧聽似打篷窗喧爽豁不嫌濕行幕潦退
猶足資山田我

皇百尺樓頭望白飛空際光溶漾應是山靈護
豫遊一洗塵坌杼鬱悵夜半風收雨歇皓魄澄天
心乃識頃者一點一滴皆甘霖

恭和

御製讀書元韻

我

皇敦誦法常媿橐筆隨高明仰

睿照雲霧一以披征途暫停蹕玩愒戒日時汲古

消清暇端惟修綆資淵源繼前軌研悅方在

茲

君子所無逸豈徒佔畢為

恭和

御製烟郊行宮作元韻

浚微秋雨破秋晴別館周遭翠麥生山靄乍

浮添遠色月痕微澹有餘情涼迴

乙夜消清詠潤及千畦慰力耕宵事休閒踈問俗

原禾隰黍幾量評

恭和

御製盧溝橋元韻

桑乾舊蹟存詩歌紛衆製未若

聖時巡五言括至治無定曰永定勤民有深計由

來萬世功那論難與易歷今數十載安瀾實

所致水勢互盛衰今昔每異視利導在人為

天音集 卷一
默恭惟天意聞之古人言川壅斯以潰我
皇重規畫一一善措置任人不任運隄防考功第
以

聖繼

聖治三輔奏平地蒼涼河上月朗然印斯義

恭和

御製良鄉行宮作示直隸官元韻

西指郵程初報時

鑾輿所至恤民私一方

咨牧殷難已百穀登秋正在斯助不給真符夏諺

先無告足慰周飢七言宛轉傳憂隱良吏欽
哉慎乃司

恭和

御製新月元韻

空宇一痕碧秋高生暮寒遠烟林際合初魄
閣前者影傍銀簾淨光分玉露團遙知三五
滿霜曉引

清鑾

恭和

御製過拒馬河元韻

河淺沙灣白流清露草萋

天襟抒遠攬秋色愜新題螺髻浮烟迴蝸廬剪葦

低成梁征客便納稼老農後嘹唳冲雲雁飄

蕭翳柳隄尋源思舊跡回首太行西

恭和

御製雨中過易州元韻

鑿輅時巡詎得已厯念吾民亦勞止天時人事

每不齊除道成梁早就理秋霖灑潤夕復朝

縱踏泥塗免塵滓高言端拱忘櫛沐

聖主未宥此易彼雨衣

親著飄柘黃郵鼓行行傳計里矧仰

橋山經上州宥教止頓同田疇

是月駐蹕田盤是夕亦大雨鬱葱

在望心含愀泔泔暗淚霑道周祗謁那避風

與雨時邁遑恤阻且修觀民間俗關大典

至尊勞勩非身謀寄語編氓毋少休服田力穡乃

有秋

恭和

御製恭謁

泰陵元韻

頻勦祀典拜

丹陵彌覺攀髯慕不勝

大孝丕昭虔執鬯

深恩忝荷永銘膺純禧

文母傳徽懿靈瑞周姜式秉承碧巘峒堯嚴祏謁秋

風颯爽露華增

恭和

御製恭謁

泰陵禮成返旆易州卜征燕豫元韻

歷歷度冀燕行行指伊洛回轡仰

檣陵白雲暗蒼壑翠罕移前村颯啞西風作高原與

下隰周詢近奚若潦退田再耕青疇紛綺錯

今秋縱薄收來歲冀稔獲

當宁勤民隱何有為君樂

恭和

御製四賢歌元韻

易州有四賢祠祀郭
隗樂毅劇辛鄒衍

昭王築宮何畷隗禮賢徒齎銜鬻媒一時羣

彥相攀陪自魏齊趙連翩來樂生霸業豈不

恢令名千載夷吾偕下齊復齊一瞬纔即墨

枉自遺蘖栽石交從古多雄猜趙人攻趙胡

為哉談天悠繆慙翹才見比井蛙奚厝懷黃

金適為國士災縱橫意氣難與諧名世間出
天所開後先相望蔚品裁緇衣之好令主皆
帝庸作歌差等儕懷賢致治政不乖畢然高望臨

燕臺

恭和

御製雪浪石疊蘇東坡韻

衆春園古羽衛屯雪浪石較九華尊乍看華
構臺榭迴頓覺淨洗莓苔昏當年鴻篇拓翠
墨于今白水環清村竒峰磊落蘊烟岫

仙豪軒翥排雲門遐哉搜剔傳韻事允矣冥漠怡

詩魂浪紋細感出石脉澗道乍涸垂天根蘭
亭井底汙泥滓獵碣竈下留春痕由来翰墨
緣最幻非他顯晦迹可論丹青想像供奉筆
仇池散弃高麗盆勝游非復蓬蒿翳芳躅猶
然松菊存

恭和

御製和東坡刻盆石詩韻

一拳秀列華嶽孫八法妙師顏平原廻環篆
刻如輪翻貯古歡室清賞存誰云鏡湖小於
盆那知此即靈槎根得山水意寫琴言變幻

欲叩酈道元

恭和

御製九日幸旺泉導醴亭登高元韻

佳節傳九日自古名蹟稠我

皇值時邁往往故事修憶嘗駐山莊紆覽窮田疇
有時狩朔塞妙句糝桑求

詩歌紀節物樓指歲幾周茲來東垣郡化洽河
安流淤沙成膏壤戶墾爭鋤耰商飈好風景
儘足停

神眸高亭一遐眺萬象紛以投深惟導醴義俯挹

憑崇邱旺泉經其左灌溉資下游源靈潤百
頃潦盡澄三秋金英點綠嶼宛若塞芳洲遠
樹帶村落屋瓦炊烟浮即此覘熙皞何必恣

羅搜

高吟寫逸興絕勝登庾樓從識

天心注端在風土優輯寧期廣厦衣被懷大裘攬
勝意匪耽觀風願早酬一勺漱清甘

聖澤長貽留

恭和

御製真定隆興寺疊舊作韻

佛法惟實昔所聞莊嚴競示眷稜尊慈恩宴
游傳自古扈從佳節來香門調御丈夫儼嶽
峙梅檀靄靄霏烟雲九華七采燦瓔珞廣王
刹轉大法輪峇崑層觀切霄上洞豁眼界澄
秋旻心珠性水露微妙淨洗諸垢空紛紜魏
魏

聖德治理勤蠲租賜復科條分省方偶此一
駐蹕金英絳實怡芳辰翠罕行行指嵩洛翕河
喬嶽懷百神詎結淨因耽禪悅第一義證真
常身愛民飭吏除浮文勿令所見異所云臂

指相通血脉貫停輿

清問臨風塵除治每懷勞萬姓頓宿不肖恣三軍
申戒蹂躪及場圃動關民力之普存痼瘵在
抱無殊視即此已契慈氏真但參活句有何
裨福田利益尤難論六朝綺麗襟內典半滿
梵笈徒陳陳刪除一切歸實際坐令寒谷皆
生春

恭和

御製閱滹沱河工元韻

治河衛田廬宵令水蓄城河防策要略殺怒

使之平滹沱古大川淤壤今可耕書生苦拘
泥動輒据水經豈識

聖謨遠祇以求民寧河徙會逢適默感由一誠緬
彼桑乾河驟漲患忽生長隄足障捍肇造資
精能有利害每伏

當宁見早曾渾流湍易激不治治乃成滹沱居下
游寬行隨流更大勢不一致利導非強爭

睿計審全局能行禹之行見德匪上治知感亦民
情勗哉

飭大吏毋或干虛聲

恭和

御製岳武穆祠元韻

天藻旌忠式里祠興懷往事倍傷之名垂湮背懸
針日憤絕朱仙迴馬時將備五端軍莫撼獄
成三字禍難支曲端旗卓真同恨灑涕黃龍
會飲期

恭和

御製宋璟祠元韻

式賢閭墓過邢襄瑟瑟秋風古碣旁政輔中
興繇累葉賦成早歲軼長楊

祠內刻璟所
製梅花賦令

名合與元之偶大節真偕魯國行緬想凝然
風度在千秋史冊表清剛

恭和

御製趙州柏林寺小憩元韻

禪語叅空記趙州堂頭活水宕高秋香清法
界霏花雨濤瀉松林卷瀑流蔬筍味多僧自
住鐘魚響寂梵誰修坐來即是光明境宵信
征途有此不

恭和

御製光武帝祠元韻

真人讖起詎須論蹟紀千秋再造恩

帝即正於鄗縣

千秋亭今祠即其地也

霆震昆陽新室廢星流帝座故

人存炎精自此開中葉白水于今溯始源廻

首滹沱河溜淺麥亭岑寂走雞豚

恭和

御製菊元韻

老圃寒花放每遲乍從別館見枝枝金盤浥
露憑占節磁盞迎霜正及時逸客燈前標瘦
影澹香几上愜

清思應知畫障重添句不用閒尋更繞籬

恭和

御製邯鄲行元韻

望望邯鄲城秋風行復行邯鄲古來成戰壘
長刀揮霍摩雞箏秦人圍趙禍機作連兵互
構爭強弱信陵不肖袖手觀侯嬴老豈為人
薄魯連知有周天子帝秦欲蹈東海死珠履
三千紛未已朱門廣宴妬羅綺相如搯壁易
連城望諸報燕馳雙鯉千秋霸業胡為然高
邱久已犁作田夷門下深巷邊嘯歌學步自
年年邯鄲誰說公子賢

恭和

御製過磁州恭題

聖祖仁皇帝射柳亭元韻

夙聞三箭塞山雄重識

神弧柳影中天縱多能傳絕藝人驚百中仰遺風巍

亭永紀

宸威赫

大烈丕承我

后同每日旌門

親校射率先滿月試琯弓

恭和

御製演易臺謁周文王祠元韻

往歲

鑾輿度闕里祠謁周文今莅此先後薪傳易簡
理只今演易臺猶是聖人心迹淨如洗詎官
陰行圖利已拘繫姜城地尺咫象辭肇作開
文字以蒙大難偶然耳明夷正志同箕子无
妄之災弗藥喜

聖學淵源畧涯涘彈琴有見誠哉語叶

恭和

御製淇縣覽古元韻

境越蕩陰初清淇

勝覽舒衛風猶在望殷社早成墟物產饒泉竹
人才慕史遽漫言今異昔遺俗尚牽車

恭和

御製登嘯臺有作元韻

千秋高隱耽名山茲臺萃律何盤桓百泉中
泓貯靈液蘓門清嘯空雲間

宸遊遐矚開晴巒四三白鶴鳴叢蘭便娟修竹排
青鸞文漪靜俯虛迴旋大人豈藉一嘯傳栖

神導氣寧不閑孤踪縹緲詎可攀仰企元摅
逍遙仙

恭和

御製安樂窩元韻

昔年點易想研朱賢

聖薪傳一涉塗月窟探來多樂趣水源問處契真
儒誠明那用謀著策安穩無勞乞鏡湖欲叩
先生經世術清琴渺莫一絃無

恭和

御製駐蹕百泉作元韻

澄漪數畝滙靈源竹翠巒光映滿園王屋依
然仙跡杳嘯臺無復嗣音存陽坡風暖開香
祖沃土泉甘長稻孫

靜契行窩安樂趣林扉爽豁對朝暾

天然位置景全圍

別館高仞山巖依萬琲珠璣隨地湧一羣魚翠
拍波飛菊開籬畔垂垂老雲指簷端冉冉歸
從古名賢栖勝地蘓門薈萃較來稀

恭和

御製清化鎮元韻

生民寶稼穡灌溉全資水畜止均蕩術瘠壤
成甘美

時巡偶莅茲樂土環閭里麥苗先春青烟墟暮秋
紫俗解牽車牛服不飾羅綺川原杳靄間形
勢若聚米比戶收葺花纖纖績十指民勞豈
不憚勤家詎得已所在成膏腴畷畷良耜起
禹貢田中中今此較勝彼水利無常擅得失
分憂喜獨有

當宁心飢溺視由已

恭和

御製渡孟津河恭依

皇祖元韻

神功庠定德苞天擊楫今來濟大川千里黃
澄迎

御艦一棧翠抹望嵩烟朝宗渤海修沉璧灌潤
秋塍頌甫田

仙蒞不矜槎泛遠復槽水落願宜年

恭和

御製渡河舟中作元韻

成周三輔分三河靈源經瀆界罔訛龍門下

馳竹箭過榮光上燭垂休和惟

帝時巡來游歌飛渡不須梁駕鼉朱旂畫鷁翔風
多秋帆葉葉劃長波嵩邱黛色延青睞百靈
呵護非人為叶歡聲夾岸助

高哦

恭和

御製洛陽道中元韻

東都瞻鳳蓋洛水度龍旃輯瑞朝方岳觀風
歷阪田三河紛鼎列八極遠鉤連玉井涵元
液銅駝壓百廛嵐光開石室龕翠落伊川塵

淨

鸞鑣迴烟低雁塔圓繇華空漢魏記述富林泉
王會圖丹藻千秋翰墨緣

恭和

御製題香山寺元韻

蒼巖宏覺苑不數紫薇山

鹽官紫薇山以白
居易結廬其上得

名寺記重開古名成九老閒嵐光紛澹沲石

溜激潺湲承

輦秋花笑依然茜綬殷

一徑翠盤旋林霏自蔚然龍門蒼蘚合佛洞

吉雲連竹塢鐘聲遠香臺塵慮蠲
外 檣紅沙白

攬勝策吟鞭

恭和

御製宿少林寺元韻

覲岳停

仙蹕風迴蒼筍林
跋陀飛錫古嵩闕
入雲深木葉雨尤響
龍泓秋轉陰花關行漏永清韻助

高吟

恭和

御製嵩陽書院元韻

居然心跡此雙清
鹿洞鷺湖並擅名
比舍生徒開講席

聖朝棧樸蒼儒英尚聞遺響流
金石喜對高峰幻雨晴攷蹟
故宫堪一笑幾曾九轉得丹成

恭和

御製登緱山極目元韻

林光森蔚嶺雲連
端是名山可學仙
笙鶴當年空縹緲
闕伊此日故清緜
凌虛不羨丹丸訣
倚郭忻看翠稜田
訪道何如求莫切
千秋

治要仰

宸篇

恭和

御製嶽廟禮成有述元韻

喬嶽懷柔舊典懸

巡方秩祀禮從天登封瑞兆嗤非據肝嚮靈通信

有然環拱星雲丹殿迴鬱森松柏翠簷偏致

神更厯成民念

優賜新恩尺一宣

時奉諭旨以登封為望秩之所宜沛恩施全蠲明年正賦

恭和

御製登嵩山華蓋峰歌元韻

自昔封禪矜史談靈區鴻寶傳淮南時祀臺

觀鬱相參升中天半揚龍縵紛呈符瑞黔黎

欣泥金瘞玉名山探豐碑篆刻標層岳豫州

形勢控關函嵩高作鎮氣象添維

帝戾止披晴嵐登封故事匪所耽山呼應響胎譏

慙巖腰徐轉馬力恬峰峰變態圖寫堪縹緲

華蓋聳碧巉三臺二室俱等凡于喁清籟叶

英咸疑有名宿諷華嚴捫攀簡子與麝男霜

飈獵獵鞭輕拈白雲堆絮餘青尖磅礴鬱積

元氣含天門四望開

神襟

叶

交輝日月投虛豁高掌遠蹠分窻窅太古

科斗崖凹嵌銜之記始垂迦藍玉漿石髓紛

菴菴中幾俯壓雄竒兼八荒遐矚窮幽覃足

音空谷鳴都曇馳上下阪化艱險叶百靈遙

集排陰潛賦海奚為必道鹽撫古未足窮天

巖迴凌清顥吟興酣

天筆添耀苞羽絃

臣也媿荷

錫裊駢豹尾不獲從魚驪浮邱上接崆峒堪翠微

歷歷徒翹瞻魏乎

帝略乾符覘虛無不羨神山三

恭和

御製登吹臺元韻

屢劫城垠斷遺踪未盡埋列仙霄上迴

清蹕日邊來師曠傳新吹

名勝志繁臺即

吹臺里人蘇氏居之故名金墉齊齒齒墉塔故枚枚李杜

雄文擅雲山翠色堆

天襟增磊落地軸鬱崔嵬懷古洵遙矣憑高實曠

哉仰瞻

宸藻麗生面喜重開

恭和

御製渡黃河元韻

初從嵩岳廻

清蹕旋觀飛檣渡北來順軌無虞瓠子闕溯功
早上禹王臺三門遠注誠雄矣十幅平移洵
快哉艤棹圓沙風景別賡吟愧乏濟川才

恭和

御製掛瓶菊元韻

清芬依

翠輦併粲九秋花綽約斜風慢蕭疎帶露華籬

根吟興遠燈影墨痕賒一自寒泉注凌虛漾
碧紗

恭題

御筆古樹小幅

松風半嶺猶得聞杈枒竒樹瑰絕羣根盤凹
凸節目分如石鐘山漱江瀆是耶非耶宰蒼
雲森森枝掃秋霜屯穴鐵空竅搜帝困

困之山怪偉儼立仙隱孫

水經注帝

妙畫突過曹將軍墨痕一燈澄心神

恭和

御製磁州道中作三首元韻

水田方罫列行行遠映秋林曉色蒼荇帶斜
牽搖淺碧稻孫初茁逗微黃

曲溝活活繞晴郊叢篠蕭森帶翠色寫出江
鄉秋後景羨他小築學誅茅

神麇山遠接臯原半抱溪田半抱村一自紅
亭昭

聖武茲隄名勝孰齊論

恭和

御製駐蹕梅花亭因作梅花小幅並紀以詩元韻

林亭紆蹕慕栖賢

藻筆春回綠萼仙恰應瓊華舒庾嶺宵同玉局憶
樊川一枝影落紅橋月半畝宮環翠縷烟勝
蹟清標千載迴重添韻事入新編

恭和

御製渡滹沱河元韻

滹水由

鑿再嵩雲回首重橋猶跨南北候已易秋冬沙
澗中洑落霜皚遠岸封蒼茫烟郭裏古寺幾
聲鐘

恭和

御製登廣惠寺多寶塔元韻

昨移

罕蹕駐大梁上方宰堵收勝攬玻璃八角放光

明鎮鐵蛟螭莫敢犯廻

輅常山縱眺登霄上浮圖尖幾點如來多寶最

莊嚴觚棱刻峭精規範天風鈴語響簷牙千

年興廢從頭檢龍騰荒苑走鳴泉

相近有龍騰苑廢址

舊為元人養馬之所怖鴿盤盤下丹檻安心迴住相輪

端俯視闔浮勞憾憾何似茲塔摩高空今古

長閒閱荏苒仙雲一片護璫窗飛鴻影入青

冥淡

恭和

御製真定行宮即景元韻

古刹談經飛鴿還鐘聲近落翠檐間地經戰

壘平蕪合人卸征鞍夕照閒歷歷關河紛暮

節依依風物動

吟顏一時攬勝兼懷古

妙契何須問祖山

恭和

御製燈檠元韻

爛朗金蟲玉一枝携張

行幄却相宜不煩樺燭分輝迴似共芳蕤解媚
茲丙夜丹鉛研露滴和門烟景炯星離
憂勤棖觸勞難理長對清光寄遠思

恭和

御製再題雪浪石元韻

東坡耽怪石珍若居竒貨雪浪水之變靈峰
孕小大兀爾傲仇池頽然醉元佐精思探秘
奧摩抄足清課豈如木假山中空同枵餓

天藻鏤雲根險韻一再和視彼南宮癖遭遇誠遠

過

恭和

御製題臨漪亭元韻

亭寫空明裏蕭參落葉任涼波縈蘚岍細菊
點霜畦檻接蒼烟郭橋橫白石溪文漪邀靜
鑑象外寄

天題

恭和

御製燈窗元韻

蘭膏炳深宵小窗清以永既息征塵囂復此
夜色靜霜風搖瑟瑟想見林鴉冷

詩句窮雕鏤封章疊

披省茶鼎浮輕雲活火森炯炯漏箭鏘然鳴皋鶴
和清警

恭和

御製過涿鹿元韻

城開凹字地圖雄督亢陂前水尚融中土廻
鑣占有豫大田報蜡喜登豐薊門疊嶂烟光
淺雉堞連畦麥翠芄不羨桑陰如羽葆人瞻

芝蓋九霄中

恭和

御製知恩寺小憩元韻

踈林獵獵透霜風澗壑蕭閒車騎通小憩庭
陰依石丈偶譚禪悅叩支公聽來梵唄歸清
寂拈得詩情妙渾融暫屏征塵游物外香臺
心賞迴難同

山左連歲歉收今秋各屬告豐民氣頓甦

上覽奏報欣慰作詩宣示並

命內廷諸臣各賦一篇臣詩正謹成七言古詩進

呈

禹貢方州次青兗負山濱河地廣行人功
渫不以時往往天行致戾沴頻年旱潦嗟游
荒拯卹艱阨勞我

皇時巡所至心目傷大沛膏雨敷春陽

賜金轉漕都不惜子愛元元咨牧伯重臣宣惠來
青齊遍野哀鴻遂安宅

帝衷憂軫歷三時自上下下渥澤施力挽元功降
康社會調民氣還恬熙至誠召和如影響羣
黎之命天所養困甦瘠起慶更生

恩意旁浹滋融盎淳風長扇甘澍偕連滕秀茁廻
枯芟黃雲匝地翠烟冪黍與稷翼西成催大
吏連章馳入告

宵旰乍慰愁眉開喜心倒極轉增慮一戒足勝陰
陽灾只今

傳示五字詩噢咻情切同嬰孩矧乃豫治凜明誠
河渠溝洫規前代度土濬川

睿畫詳要令天時不為害斥壤行看沃似膏耕氓
那見色如菜勗哉東人勤畎澮上承

惠政無廢怠服我農疇永利賴

辛未春帖子詞

以下
辛未

韶令依青瑣專榮麗紫霄羣霑大酺樂長獻
泰平謠

觚稜霽色曉重重九葉莫舒萬象融日下喬
雲蟠壽域黃封第一奏

慈宮

鸞輅青旂

詔有司江南淑景最先吹

宸遊不為名山水正好麥登蠶浴時

恭和

御製恭奉

皇太后南巡啓蹕近體言志元韻

祥正風和慶納辛青郊陪祀肅朝倫

時正月
十三日

上辛 祈穀禮成
即由郊南啓駕方調鳳律占盈止怡奉

鸞車脩扈巡

如幄承暉知日永

堯圖載福自天申頌賡般賚勤思

祖兆啟臨觀惠及民芝蓋扶雲高太乙柳旗垂露拂

勾陳百年聲教

皇塗鬯萬井桑麻澤國春蠲復東南羣溢喜游歌

草木預懷新欣逢

孝治兼文治珥筆何慙祝願頻

恭和

御製良鄉行宮作元韻

三月

王程發初輒一枝春信先南江日斜小坐臨軒
几塔影橫空半落窗

于耜農人早作勞乘時何暇暫嬉遨省方為
寫

勤民意愛展魚箋引兔豪

別館一區方止

蹕江鄉千里早關情詰朝記里聽傳鼓要慰東
南望幸誠

輕移雲罕指畿南雪後餘寒著意酣待到渡
江春水暖從頭花事幾番探

恭和

御製良鄉行宮侍

皇太后宴兼陳火戲元韻

韶景初開愛日遲納辛旋奉

大安移上元宴啟

天家脩萬歲燈明野館宜春酒香濃浮珀椀華燦
燦燦茁瓊枝要期同樂豐年瑞皓魄方盈三
五時

恭和

御製聞山東得雪元韻

驛路委遲未入齊欣傳得雪自

天題紅塵早淨為佳耳綠野新霑洵樂兮災祲三
年勞

聖慮恩膏一夕慰農徯巡方恰得豐年瑞那苦餘
寒景色悽

恭和

御製上元前夕行營觀烟火即事元韻

好從幻影識真常借助春聲發衆芳不盡烟
花紛吐豔多情雪月為交光紅雲朶朶扶
華蓋銀漢暉暉入

錦章可但良宵傳盛事青郊飛穗有餘香

恭和

御製趙北口行宮作元韻

別館臨春浦水容也自妍眠鷗橫檻外歸鳥
半窗前雪糝寒花結林開朗鏡懸牙籤娛

燕暇恍坐米家船

清蹕重經此韶光兩度明

昨年春上閱視河隄曾於此駐蹕

溪村歸畫意魚鳥入詩評
花事寒猶勒春風
悄不驚昨宵嘉節會
燈火尚餘情

恭和

御製鄭州道中元韻

參差長短接紅橋
粉本雙湖引興遙
夾鏡寒光交瑩目
飛塵千斛已全消
宛宛柔條工嫵媚
斜趁東風冒六轡
由來草木解懷新
分明為導

行春意

蒼茫雲樹畫圖間
蟹舍漁莊曲抱環
一幅吳興平遠景
不嫌村外更無山

水墟烟市帶春城
風景燕南最擅名
自分江鄉舊鷗侶
菰蒲相識倍關情

恭和

御製再和沈佺期望瀛州南樓詩元韻

岑樓古郡譙尺五千層
霄名流一寄咏千載
音寥寥長令閱過客
轟轟凌清飈今春重度
蹕立馬青陵橋聊與慰
岑寂延望情偏遙詩人

多遷謫勝地辭喧囂一再相酬和

襟抱抒新謠

恭和

御製燕九日觀燈元韻

正月十九日都人集白雲觀游冶紛沓謂之燕九節

相傳是日邱真人必來此見日下舊聞

漫空淅淅晚陰濃驀地陽回陌巷融光動千

林餘朔雪期符十日試春風

今年正月九日立春邱翁

舊觀雲猶白獻邸遺園杏未紅

是日河間紅杏

園沿俗重陳燈火戲慶豐合與上元同

新篔竹葉正添濃宴啟青郊樂意融奪得星

河輝

寶所偷將花蕊豔東風麥塍煖入方催綠人頰春

烘半帶紅試問大羅天上客玉清笙吹可能

同

恭和

御製曉行元韻

雪積平郊白似銀行行眼界逐程新凍迷林

影疑遮霧寒入鞭絲尚勒春北地清塵經幾

度南枝芳信約初巡香花道左歡迎

蹕多少前村破曉人

恭和

御製過景州元韻

江都遺跡未云孤一道深黃

輦路鋪城郭連畦紛蒼上聲莽生徒比舍解伊吾

景州城設有廣川書院諸生肄業其中摩霄穹影仍標塔亘野

寒烟欲斷蕪三載

六飛重戾止依然風景足嘉娛

恭和

御製入山東境元韻

東指行旌越廣川迴瞻雲樹影連燕將陵城

畔都成聚有鬲河邊已闢田一道汙汙流衛

水四郊點點羃齊烟

恩覃東國謳歌遍見說頻年慶有年

恭和

御製過德州元韻

龍湊城高樹杪懸玉鞭遙指散輕烟南行車

馬依橋度北上帆檣與岸連簷雀試鳴初霽

景河魚仍凍早春天

關心歲事頻咨度愛聽歌豐蹕路前



